

**PRIJEDLOG**

Na osnovu člana 14. Zakona o udruženjima i fondacijama („Službene novine FBiH“, broj: 45/02) i člana 26. Statuta Udruženja poslodavaca u FBiH, Skupština Udruženja poslodavaca u FBiH na sjednici održanoj dana 21.04.2026.godine u Sarajevu donosi:

**STATUT O IZMJENAMA I DOPUNAMA STATUTA  
UDRUŽENJA POSLODAVACA U FEDERACIJI BOSNE I HERCEGOVINE**

**Član 1.**

U Statutu Udruženja poslodavca u FBiH - Prečišćeni tekst od 22.09.2022. godine u članu 9. alineja 3. mijenja se i glasi:

„Zastupanje članstva u Ekonomsko socijalnim vijećima na svim nivoima vlasti.“

U istom članu alineja 5. mijenja se i glasi:

„Davanje savjeta i preporuka za rješavanje privrednih problema nadležnim organima vlasti kao i članovima Udruženja, na svoju inicijativu ili po zahtjevu.“

U istom članu alineja 8. riječi „posredovanje u odnosima sa“ mijenjaju se sa riječju „saradnja“.

U istom članu iza alineje 8. dodaje se nova alineja koja glasi:

„Sarađuje sa drugim predstavnicima civilnog sektora na prostoru čitave Bosne i Hercegovine, a posebno sa udruženjima i organizacijama koje predstavljaju poslodavce, pravna ili fizička lica i privredu generalno.“

U istom članu alineja 18. mijenja se i glasi:

„Izrada i realizacija projekata samostalno ili u saradnji sa partnerima iz vlasti ili civilnog sektora.“

**Član 2.**

U članu 10. iza alineje 21. dodaje se nova alineja koja glasi:

„Realizacija programa i projekata finansiranih ili sufinansiranih od strane domaćih ili međunarodnih investitora.“

### Član 3.

U članu 17. stav 3. mijenja se i glasi:

„Ukoliko po završetku poslovne godine, Udruženju ostaje neutrošenih sredstva, Skupština Udruženja kroz Program rada i finansijski plan za naredni period odnosno donošenjem posebne odluke utvrđuje prioritetne projekte i aktivnosti od značaja za rad Udruženja.“

### Član 4.

U članu 24. alineja h) iza riječi „radnih grupa“ briše se „tačka zarez“ i dodaju se riječi „iz nadležnosti Skupštine“.

### Član 5.

U članu 25. stav 2. briše se.

### Član 6.

U članu 28.a. u stavu 1. veznik „i“ zamjenjuje se sa veznikom „ili“.

### Član 7.

U članu 31. u alineji m) riječi „šefovi“ zamjenjuju se sa riječima „rukovodioci“.

### Član 8.

Odjeljak VI/3 Izvršni odbor brišu se odredbe od člana 35. do člana 39.

### Član 9.

U članu 44. u stavu 2. riječi „obavezno sazivaju“ zamjenjuju se riječima se: „sazivaju po potrebi“

### Član 10.

Iza člana 44. dodaje se novi član 44a) koji glasi:

#### „Stručna služba

- (1) Za obavljanje stručnih, administrativnih i pomoćnih poslova Udruženje ima stručnu službu.
- (2) Radom stručne službe rukovodi Direktor Udruženja.
- (3) Unutrašnja organizacija stručne službe uređuje se aktom o unutrašnjoj organizaciji i sistematizaciji poslova, koji donosi Upravni odbor na prijedlog Direktora.“

**Član 11.**

U članu 45. stav 1. mijenja se i glasi:

„Svi organi Udruženja donose odluke u skladu sa Statutom i drugim općim aktima.“

**Član 12.**

U članu 46. riječi „radnih skupina“ zamjenjuju se riječima: „radnih – stručnih skupina.“

**Član 13.**

U članu 49. riječ „sekretarijat“ zamjenjuju se riječima: „stručna služba.“

**Član 14.**

Izmjene i dopune Statuta stupaju na snagu danom donošenja.

**Član 15.**

Kroz cijeli tekst Statuta izvršit će se usklađivanje numeracije, terminologije i upućivanja na odredbe, u skladu sa usvojenim izmjenama i dopunama, te će se sačiniti i Prečišćeni tekst Statuta.

**OBRAZLOŽENJE**

Kroz dosadašnju primjenu Statuta identifikovane su određene nejasnoće u definisanju i normativna rješenja koja nisu u potpunosti zaživjela u praksi, te se predloženim izmjenama pristupa njihovom otklanjanju i unapređenju funkcionalnosti Statuta.

Predloženim izmjenama i dopunama vrši se dodatno preciziranje ciljeva i djelatnosti Udruženja, s posebnim akcentom na jačanje njegove uloge u socijalnom dijalogu, saradnji sa institucijama vlasti i organizacijama civilnog društva, modernizaciji poslovanja i EU integracijama, te stvaranju pravnog osnova za aktivnije učešće u pripremi i realizaciji projekata finansiranih iz domaćih i međunarodnih izvora.

Poseban značaj ima unapređenje organizacione strukture Udruženja u cilju povećanja efikasnosti i racionalizacije procesa odlučivanja. U tom kontekstu, izvršeno je brisanje odredbi koje se odnose na Izvršni odbor, imajući u vidu potrebu smanjenja administrativnog opterećenja, izbjegavanja paralelizama u radu i pojednostavljenja unutrašnje organizacije, uz zadržavanje i jačanje uloge Upravnog odbora kao ključnog operativnog i upravljačkog organa Udruženja. Na ovaj način postiže se veća funkcionalnost, brže donošenje odluka i jasnije definisana odgovornost u okviru postojećih struktura.

Dodatno, izmjenama se uređuju pitanja upravljanja finansijskim sredstvima, planiranja aktivnosti, kao i preciziranja nadležnosti organa Udruženja, čime se doprinosi transparentnijem i odgovornijem radu.

Neophodnim uvođenjem odredbi koje se odnose na stručnu službu, jasno se definiše njena uloga, način rukovođenja i organizacija, što predstavlja važan korak ka profesionalizaciji administrativne i stručne podrške radu Udruženja.

Stručna služba Udruženja i Upravni odbor kroz projekat „Međunarodne organizacije rada“ rade na uspostavi nove baze podataka o članstvu koja bi bila sveobuhvatna i omogućila bolju i funkcionalniju komunikaciju i u odnosu na u međuvremenu veoma razvijeno članstvo u Udruženju osiguralo unaprjeđena rješenja i modernizaciju administrativno finansijskoga sistema u Udruženju.

Istovremeno, izvršena su terminološka i tehnička usklađivanja odredbi Statuta, a predviđena je i izrada prečišćenog teksta Statuta, radi njegove bolje preglednosti, jasnoće i lakše primjene u praksi.

Imajući u vidu sve navedeno, predlaže se Skupštini Udruženja da usvoji Statut o izmjenama i dopunama Statuta.

Predsjednik Skupštine

Amel Kovačević

Sarajevo, 21.04.2026. godine

Broj: I-\_\_\_\_\_